

漢

書

疏

證

漢書疏證卷二十

吳 沈欽韓撰

天文志

凡百一十八名積數七百八十三星

晉書天文志中外之官常明者百有二十四可名者三百二十為星二千五百微星之數蓋萬有一千五百二

十晉武帝時太史令陳卓總甘石巫咸三家所著星圖

大凡二百八十三官一千四百六十四星以為定紀隋書

天文志一千五百六十五星按實數當云一千四百九十一兩志皆誤明史天文志徐光啟用西洋法內外諸象總有六十分為十二宮共得一千七百二十五星御覽七引張衡靈憲星數與晉志同大約晉隋二志皆本

諸譚緯及甘石張衡等茲一以兩志所列爲本他不俱列

彗孛

晏子諫篇上景公西面望睹彗星召伯常騫使禳去之
晏子曰君若設文而受諫謁聖賢人雖不去彗星將自
亡今君政不飾何暇在彗弗又將見矣按此彗與孛異
孛甚于彗而昭十七年冬有星孛于大辰申須曰彗所
以除舊布新又以爲一文十四年公羊傳孛者彗星也郭璞注爾雅承之隋志
偏指曰彗芒氣四出曰孛孛者非常惡氣之所生內不
有大亂則外有大兵然則彗孛果異矣

飛流

晉志自上而降曰流自下而升曰飛

暈適背穴抱珥垂蜺

眊眩掌十輝鄭司農云輝謂日光氣也暈與輝同晉志

日旁有氣員而周匝內赤外青名曰暈高誘呂氏明理篇注暈讀爲君

國子民之君氣團日周匝有似軍營相守故曰暈適日中有黑子之類昭三十

二年傳日始有謫注變風也背者晉志青赤氣如月初

生背日者爲背又曰背氣青赤而曲外向爲叛象分爲

反城呂氏作倍高誘曰在兩旁反出爲倍魏書天象志作佩穴者晉志璫者

如帶璫在四方按眊眩注鑄謂日旁氣刺日也讀爲璫

如瀆注作鑄義與鄭同是一字而傳寫誤也呂氏作儒

高誘曰在上反出爲備淮南覽冥作鑄高誘云外抱者向爲鑄

晉志日旁如半環向日爲抱敵在一旁順抱擊者勝珥

者晉志在日左右爲珥黃白者有喜在日西西軍戰勝

在日東東軍戰勝眊賤注云監冠珥也青赤氣抱在日

上外者爲冠高誘曰在上內向爲冠兩旁內向爲珥重者晉志一虹二虹

貫抱至日順虹擊者勝眊賤注云隳虹也沈約郊居賦

雌霓連蜺愁人讀作平聲是輕量人未見如瀟讀曰濤

也

中宮天極星

晉志北極五星皆在紫宮中

雲笈七籤玄門寶海經曰北極星圍七百七十里

北極北辰最尊者也其紐星天之樞也

隋志賈逵等皆以北極紐星爲

樞是不動處祖暅以儀準候不動處在紐星之末猶一度有餘宋史天文志沈括渾儀議曰臣考驗極星更三

月而後知天中不動處遠極星乃三度有餘三光迭耀而極星不移第一星

主月太子也第二星主日帝王也謂最赤明者也第三

星主五星庶子也

文獻通考宋中興天文志曰主者惟帝耳太子何得分主月庶子又何得

分主五星而帝乃獨以主日乎

北四星女御鉤陳口中一星曰天皇大

帝其神耀魄寶

李台大象賦注北極第二星爲元首餘二星爲后宮步天歌四爲后宮五天樞

通典中興志辨曰北極第二星最赤明者星圖謂之帝而勾陳口中又爲天皇大帝奈宮一而帝二也又紐星于天象爲最尊是于五星爲第一而志反以爲第五倒置之甚不以紐星之居其所最星共者爲帝而以從後之赤明者爲帝異乎孔子所云又勾陳口中一星即大帝之座不當遂指爲天皇大帝聞之師云天樞紐星在

四輔中者是為天皇大帝其神曰耀魄寶此是也而彼

所指勾陳口中一星為耀魄寶者非也故初一日帝次

二日后续次三日妃次四日太子乃其赤明者次五日庶子按此志云旁三星三公者

非也李播大象賦雙玉夾斗而變譜不在此蓋即晉志

所列者而志誤目為三公中典志曰宮南三星曰三公內座村南三星及魁上三星

後勾四星

隋志勾陳六星後宮也太帝之正妃太帝之座也按星

經四輔四星抱北極樞星鉤陳六星在五帝下為後宮

大帝正妃又主天子六軍又主三公大象賦注四輔小

而明則吉大則臣遍君暗則官事不理鉤陳六星在紫微宮中華蓋之下

明則吉不明人主惡之通考宋兩朝天文志四輔四星

去天樞各四度鈞陳大星去樞八度半漢志言末大星
正妃餘三星後宮之屬者皆非是又勾陳實主六軍卽
不當以爲後宮又不當以爲正妃按御覽六樂計圖日
鈞陳後宮也大當正妃也注云大當鈞陳末大星也漢
志蓋本
于此

匡衛十二星

晉志紫垣宮十五星其西蕃七東蕃八在北斗北一曰
紫微大帝之座也一曰長垣一曰天營一曰旗星爲蕃

衛備蕃臣也

通考張衡云東蕃近闕門第一星爲左

爲上輔第五星爲少輔第六星爲上衛第七星爲少衛
第八星爲上丞其西蕃近闕門第一星爲右樞第二
星爲少尉第三星爲上輔第四星爲少輔第五星爲上
衛第六星爲少衛第七星爲少丞皆以明大小有常則
吉若盛明則內輔盛也宮垣直而明天子將兵開則兵
起西蕃闕如門象名闕闕門有流星自門而出四野者

當有中使銜命視其所適野而論之
按此云十二星于天文爲不備也

斗口三星曰陰德

晉志門內東南維五星曰尙書尙書西二星曰陰德陽

德主周急振撫

隋志與晉志同按星經大衆賦則舉云陰德

宋志引甘氏云

陰德外座在尙書右陽德外座在陰德右步天歌陰德

門裏兩黃聚

通志略其占以不明爲宜明則新君踐極

或曰天一

星經天一星在紫微宮門外右星南主戰鬪知吉凶太

一星在天一南半度主十六神知風雨水旱兵馬飢饉

疾病災害星明吉暗凶離本位而乘斗者九十日必兵

大起

大象賦兩乙賓門而作助

按此與陰德星有門內門外之異而

志誤合之

天槍

星經天槍三星在北斗柄東主天鋒武備在紫微官右以御也

右四星曰天棊

星經天棊五星不用明明則天下兵起

大象賦注云不明則國兵起

按步天歌厨下五箇天棊宿皆云五星此四星爲誤

隋

志槍棊俱列太微垣與步天歌不同

後十七星閣道

天官書作六星正義曰閣道六星在王良北占一星不

見則輦路不通動搖則宮掖之內起兵

張淵觀象賦觀閣道之穹隆想

靈駕之電飄通考兩朝志閣道六星去極四十八度入奎宿四度半

然晉志以下並紫宮

無閣道隋志大帝上九星曰華蓋又九星直曰杠

星經步天

歌並云十六星

傳舍九星在華蓋上近河賓客之館主胡人入

中國客星守之備胡兵起

大象賦注金西戎水北狄火南蠻木東夷

晉以下

不著閣道于中宮以去極較遠也此志蓋涉華蓋傳舍

之誤

星經天廚六星在紫微宮東北維星七君子賣衣小人賣妻客星守之大饑荒

北斗七星

楚詞九歎說九魁與六神注九魁謂北斗九星也

劉昭續志

注引星經云玉衡者謂斗九星也第一星主徐州第二星主益州第三星主冀州第四星主荊州第五星主兗州第六星主揚州第七星主豫州第八星主并州素問天元紀大論鬼

與區曰臣積考太始天元冊文曰九星懸郎七曜周旋

王冰注云上古世質淳九星垂明中古道德稍衰標星藏曜故星之見者此焉九星謂天蓬天內天衝天輔天英天心天柱天任天英此蓋從標而為始遁甲式法今猶用焉馬蒔注云天元玉冊曰天蓬一水正之官天內二土神之應官也天衝三木正之官也天輔四木神之應官也天禽五土正之官也天心六金神之應官也天柱七金正之官也天任八火神之應官也天英九火正之官也史記索隱引徐整長曆北七星相去九千里皆在日月下其二陰星不見者相去八千里也雲笈七籤辰部北斗九星七

見二隱其第八第九是帝皇太尊精神也漢相國霍光家有典衣奴子名還車忽見二星在斗中光明非常乃

拜而還遂得增年六百又黃老經曰第八洞明星第九
隱元星宋史天文志第八曰弼星在第七星右不見第
九曰輔星在第六星左常見

杓衡魁

晉志一至四爲魁五至七爲杓大象賦注五曰衡星經
杓三星爲玉衡魁四星爲璇璣第一名天樞爲土星隋

志通考並引作正星主陽德亦曰政星是天子象星暗經七日則

大災第二名璇主金刑女主之位主月及法若星暗經
六日則月蝕第三名璣主木及禍亦名金星若天子不
愛百姓則暗第四名權主火爲伐爲天理伐無道也天

子施令不依四時則暗第五名衡主水爲煞助四時旁

煞有罪天子樂淫則暗第六名闔陽主木及天下倉庫

五穀第七星瑤光主金亦爲應星

大象賦注一主天二主地三主火四主土

五主水六主木七主金按

淮南本經訓瑤光者資糧萬

物者也隋志斗旁欲多星則安斗中少星則人恐

星訣曰五

星入斗中國易政又易主彗

李入斗中天下改主有大戮

文星曰文昌宮

星經文昌七星如半月形在北斗魁前

觀象賦注亦云七星

步天

歌文昌斗上半月形稀疏分明六箇星

他書並云六星晉隋志同

按

舊唐書一行云文昌舊三星在鬼四星在井今五星在

柳一星在鬼一星在井明文昌七星也

歐陽修新書不知而改爲六星

然述一行語便非其真彼所修之書概如此

陳啟源毛詩稽古編云文昌本

六星今則七此亦目未見古書而妄說也

星經曰色黃光潤則天下

安萬物成搖動移處三公被誅不然皇后崩土木星守之天下安火星守國亂兵起金星守兵大起若彗孛流星入大將反叛亂也

貴人之牢

晉志魁中四星爲貴人之牢曰天理

星經天理四星在北斗柄中星明則

貴人又天牢六星在北斗魁下貴人之牢也

步天歌天理四星斗

裏暗天牢六星太尊邊按四星者在斗六星者在文昌

三能

晉志杓南三星及魁第一星西三星皆曰三公又太微

庭三台六星兩兩而居御覽

八百七十一

孝經內事曰王者

得禮之制不傷財不害民君臣和則三台齊明不闕不

狹如其度大象賦注起文昌抵太微一名三能主開德

宣符次文昌二星爲上台上星爲人主下星爲女君對

軒轅二星爲中台上星爲諸侯下星爲卿大夫抵太微

二星爲下台上星爲元士下星爲庶人

按東方朔傳應劭引黃帝泰階

六符經

卽此 雲笈七籤上台名虛精主金玉中台名六瀆主

祿位中台兩星小闕晉張華爲司空死其星開下台名

曲生主土田

星經三公三星在斗杓東一星七天下危二星七天下亂三星七天下不治步天歌

文昌之下曰三公太尊只向三公明又云一箇宰相太
陽側更有三公相西邊宋史志乾象新書上台屬柳中

台屬張下
台屬翼

柄輔星

大象列星圖曰輔一星附北斗杓第六星大臣之象也

占欲直小而明則吉若大而明則臣奪君政若小而不

明則臣不任職隋志輔星明而斗不明臣弱主強星經若暗

小則死免官若近斗一二寸為臣迫脅主觀象賦注昔

太公未遇文王時釣魚于磻溪夜夢北斗輔星神告尙

以伐紂之事見尙書中候陸佃埤雅易日中見斗日中
見沫沫蓋星之徵者薛云輔星理或然也按列星圖所

云卽古指為
北斗九星者

一內爲矛招搖一外爲盾天蓬

隋志梗河三星在大角北梗河者天矛也一曰天鋒主

胡兵又爲喪星亡其國有兵謀招搖一星在其北一曰

矛楯主胡兵

曲禮注招搖在北斗柄端上指者淮南時則訓注云招搖斗建按此云招搖欲與陳

星梗河北斗相應則胡受命于中國非斗第七星也鄭以爲杓端上指本不誤孔疏以爲第七星誤耳 玄

戈一星在招搖北所主與招搖同

大象賦注一名天戈若角大而動則畿內

兵起又主北夷客星守之胡大敗

御覽引樂叶圖曰玄戈招搖也梗河

天矛也與隋志異

勺圖十二星

按星經圖其形爲勺圖也晉志七公七星在招搖東貫索九星在其前賤人之牢也一曰連索一曰連營一曰

天牢注法律禁暴強也牢口一星爲門欲其開也九星
皆明天下獄煩七星見小赦六星五星大赦中空則更
元漢制志云十五星

東宮蒼龍

宋中興志石氏云東宮青帝其精蒼龍爲七宿其象有
角有亢有氏有房有心有尾有箕氏胸房腹箕所糞也
按此志敘次與晉隋諸志異今但隨文解釋又後來諸
志承用甘石星經及讖緯書正此志所識米鹽鱗雜也
故不備采聊
識眉目而已

心爲明堂

隋志焚惑廟也按五星各居其方心三星天王正位也
故心爲焚惑之宮

中星曰明堂天子位爲大辰

爾雅大火謂之太辰郭云大火心也在中最明故時

候主也公羊昭十七年傳大火爲大辰伐爲大辰北辰亦爲大辰鄉飲酒義注云三公三辰也

王天

下之賞罰前星爲太子其星不明太子不得代後星爲

庶子後星明庶子代

星經心中星明太赤爲照天子德

直則主失計搖動天子憂直則地動移徙不見國亡

房爲天府曰天駟

隋志房四星爲明堂南二星君位北二星夫人位

按兩志並

言君夫人位矣復云此四星上將次將次相上相烜而無當不知決擇之故

又爲四表中間

爲天衢爲天闕黃道之所經也南間曰陽環其南曰太

陽北間曰陰間宋志作陰環其北曰太陰七曜由乎天

衡則天下平和由陽道則旱穰由陰道則水兵亦曰天

駟爲天馬主車駕南星曰左驂次左服右服次右驂房

星明則王者明驂星大則兵起

觀象賦性東威四星在房東北西威四星在旁

西北此星主防奢淫詭佞之事步天歌房四星直下主

明堂鍵閉一黃斜向上心三星中央色最深下有積卒

其十二三三相聚心中是隋歷志房五度心五度太玄

歷同通志略房六心六元史歷志房五度六十分心六

度五十分明史天文志房五度二十

入分心六度九分凡六十分爲一度

旁有兩星曰矜

易緯是類謀鈞鈴持紐候五紘災御覽入百七十二孝經

事曰昆弟有親親之恩則鈞鈴入房晏子外篇晏子見

太卜曰昔吾見鈞星在四心之間地其動乎卽此鈞鈴

也高誘淮南注謂鈞星者非也隋志鈞星有星及星

經鉤鈞二星主法在房宿七寸房北第一名天鍵二名天

筭筭開藏者近夫妻同心遠者夫妻不和隋志近房天

天下不和
王者絕後

衿北一星曰衿

按隋志轄星傅軫兩旁不當在此也星經鍵閉星在房

東北主管筭星不欲明明則內亂門扉不禁姦淫至行

干女志云牽者卽鍵閉星

東北曲十二星曰旗

觀象賦天市建肆于房心帝座礫落而電燭注天市二
十四星在

房心 按史記正義云左右旗各九星在河鼓左右者非

也河鼓在北宮不得涉此晉志天市垣二十二星在房

心東北主衡權一曰天旗庭

星經云五十六星一名天旗

旗中四星曰天市

星經市樓六星在市門中主閭闔之司隋志臨箕曰市樓市府也主市價律度其陽爲金錢其陰爲珠玉變見各以所主占之又帝座一星在天市中候星西天庭也

候一星在帝座東北宦者四星在帝座西南斗五星在

宦者南

通考宋中興志帝座東北一星爲后舊誤作候西南三星爲妃舊失其位妃北一星爲帝右后

北一星爲帝左是爲左右常侍妃南四星爲宦寺宦寺南一星爲關人關人南四星爲內屏此其別也而舊乃

以右常傳一星及如三星者皆以官寺
人合五星爲斗又以附房四星爲斛皆誤也

市中星眾者實

按星經天市中有列肆二星斗五星斛四星帛度二星
斗斛星卽宋中興志所指爲誤 屠肆二星東肆二星宗正二星宗人四

星宗二星

房南眾星曰騎官

星經騎官二十七星在房南主天子騎虎賁貴族子弟
宿衛之象星眾天下安星少兵起車騎將軍星在騎官
東南車騎三星在騎官南

左角理右角將

晉志東方角二星爲天關其間天門也

按天關之名隨日行四時所轉

指之非有定體御覽七雜異書曰春斗爲天關軫爲地梁夏角爲天關參爲地梁以東角日所指行爲天關則西參自爲地梁故兵家衝對取之天文家謂斗角等眞爲天之關此不通其理也

其內天庭也

故黃道經其中七曜之所行左角爲天田爲理主刑其

南爲太陽道右角爲將主兵其北爲太陰道蓋天之三

門猶房之四表其星明大王道太平賢者在朝動搖移

徙王者行

星經南左角名天津蒼色爲列宿之長北右角爲天門黃色中間名天關左主天田右主

天祇又天門二星在左角南主天門天田二星在角北主天子畿內地又平道二星在角間主路道之官通志

略明正則吉動

搖法駕有虞

大角

星經大角一星天棟右攝提中主帝座金星守兵大起
月蝕王惡忌之通者張衡云帝座有五一在紫微宮一
在大角一在心中一在天市垣一在太極宮咸云帝座
隋律歷志角十二度明志角十一度
四十四分續漢律歷志角十三度

鼎足句之

星經周鼎三星足狀鼎足在攝提大角西主神鼎大象賦注
明則吉不見或移徙則運祚不安步天
歌最上三昌周鼎形角下天門右平星按此志自以攝
提形如鼎足然諸書並有周鼎星

攝提格

觀象賦注攝提六星俠大角步天歌大角左右攝提星

三三相似如鼎形

大象賦大在大臣之象紀綱時節伺

人君怒晉志作三公恣宋史志乾象

新書以右攝提屬角左攝提屬亢

亢爲宗廟主疾

隋志太白廟也晉志亢四星天子之內朝一日疏廟主

疾疫星明大輔納忠天下

步天歌四星恰如彎弓狀

經木星久守其國米貴人多疾病水災木與火星同穀不成人死如草芥水星守其分米貴久守多病大水災土星守萬物不成多病志云主疾者其以此

歟隋律曆志亢九度明志亢九度十九分

南北兩大星曰南門

大象賦望南門之峻國觀庫樓之威府

注南門二星爲天子之外門明

則四方來貢暗則四夷

版客星守則外兵至星經陽門二星在庫樓東北隘

塞外寇盜之事

隋志南門二星在庫樓南蓋陽門在東北南門在南步天歌分屬角亢邵晉涵

爾雅正義南門者亢上下之星也

夏小正四月初昏南門正氏爲天根

主疫隋志氏四星王者之宿宮后妃之府休解之房前

二星適也後二星妾也將有徭役之事氏先動星明大

則臣奉度人無勞

隋律歷志氏十五度通志略氏十六度下二尺爲五星日月中道明志氏

十六度四十一分

天乳在氏北主甘露明則潤澤甘露降

尾爲九子

隋志尾九星後宮之場妃后之府上第一星后也次三

星夫人次星嬪妾第三星旁一星名曰神宮解衣之內

室尾亦爲九子星色欲均明大小相乘則後宮有敘多

子孫星微暗后有憂疾疏遠后失勢就聚則大水晉志

一星在尾後主章祝巫官也中典志石氏云一名太祝

司天王之內祭祀以祈子孫故有太祝以傳說于神宮

或讀傳爲傅遂謂之朕朕說自莊周妄言之按鄭樵則

以爲傅姆之傅宋曆志尾十八度元史十九度一十分

箕爲敖客曰口舌

晉志箕四星

詩疏四星二爲躔二爲舌

亦後宮妃之府亦曰天津一

曰天雞主八風凡日月宿在箕東壁翼軫者風起孫子

攻篇凡此四宿者風起之日也鄭洪範注曰箕東方木宿風中央土氣木克土土爲妻從妻所好故好風也

又主客蠻夷胡貊故蠻胡將動先表箕焉大象賦注其星大明直則

君無讒間木守之則宮中有口舌事若移徙入河則國

人相食步天歌四星形狀如箕箕下三星名水杵其

前一黑是椽皮隋律悉志箕十一度元史箕十度四十分

分明志箕八度四十六分御覽五詩 歷樞曰箕爲天

口主
出氣

火犯守角則有戰

星經火星守忠賢受諫有鬪戰萬人兵起火守角宮道
不通大環繞鈎已者國大飢火犯之必戰火守左角太
尉死國危守右角五穀不熟犯左右角羣臣謀戰不成
尋卒入角色白者兵起及大喪軍敗城陷

房心王者惡之

星經火星守房有兵起七日有大喪二十日不去必臣
反天子憂亂火星守心地動色黑主崩之象

大象賦注
火星入守

中國
無主

南宮朱鳥

宋中興志石氏云南宮赤帝其精朱鳥爲七宿并首鬼
目柳隊星頸張喙翼翮軫尾

太微三光之廷

晉志太微天子庭也五帝之座十二諸侯府也其外蕃
九卿也一曰太微爲衡衡主平也又爲天庭理法平辭
西將東相

晉志東蕃四星南第一星曰上相其北東太陽門也第
二星曰次相其北中華東門也第三星曰次將其北東
太陰門也第四星曰上將西蕃四星南第一星曰上將

其北西太陽門也第二星曰次將其北中華西門也第三星曰次相其北西太陰門也第四星曰上相東西蕃有芒及搖動者諸侯謀天子也

觀象賦將相次序以衡守九卿珠連而內侍注

九卿三星在太微庭中行列似珠之相連而內侍

南四星執法

晉志南蕃中二星閔曰端門東曰左執法院尉之象也西曰右執法御史大夫之象也執法所以舉刺凶姦左執法之東左掖門也有執法之西右掖門也執法移刑罰尤急月五星入太微軌道吉

掖門內六星諸侯

隋志左執法東北一星曰謁者主贊者客也謁者東北三星曰三公內坐朝會之所居也三公北三星曰九卿內坐主治萬事九卿西五星曰內諸侯五內侍天子不之國者也辟雍之禮得則太微諸侯明大象賦注明則審臣立功不然

五帝坐

晉志黃帝含樞紐蒼帝靈威仰赤帝赤熛怒白帝白招矩黑帝叶光紀五帝坐北一星曰太子太子北一星曰從官帝坐東北一星曰幸臣屏四星在端門之內常陳七星如畢狀在帝坐北天子宿衛武賁之士星搖動天子自出

後聚十五星曰郎位

晉志星不具后妃死幸臣誅星明大及官客入之大臣
爲亂

旁一大星將位也

大象賦注郎將一星在郎星東北今之左右甲郎將也
有隨星四少微士大夫

隨史記作隋音他果反索隱引宋均云南北爲隋隋謂
垂下此誤隋志少微四星在太微西南北南第一星處

士第二星議士第三星博士第四星大夫明大而黃則

賢士舉月五星犯之處士女主憂宰相易南四星日長
垣主界域及

胡夷焚惑入之胡入中
國太白入之九卿謀

權軒轅黃龍體

大象列星圖曰軒轅十七星在七星北

星七

如龍之體

主雷雨之神後宮之象陰陽交感震爲雷激爲電和爲

雨怒爲風亂爲霧凝爲霜散爲露聚爲雲氣立爲虹蜺

離爲衍裔分爲抱珥此十四變皆軒轅主之

晉志軒轅右角南三

星曰酒旗酒官之旗主宴饗飲食五星守酒旗天下大
酺西四星曰燿馬貴與曰中興天文志據石氏星書以
黃龍軒轅配四方二十八宿所謂青龍朱鳥元武白虎
者分而爲五而以爲土德寄主鶉火按燿以下諸星亦
俱寄躔于二十八宿者也今欲尊軒轅而以諸星
屬之則軒轅豈能自爲躔度分野以處諸星乎

東井爲水事

晉志東井八星天之南門黃道所經主水衡事法令所

取平也

大象賦注五諸侯五星在東井北主刺舉戒不虞一帝師二帝友三三公四博士五太史皆爲

天子定疑議也明大濶澤則國有福不然則上下猜忌也隋律歷志井三十三度通志略井三十四度石氏云井八星在河中明志井三十二度四十九分

天子且以火爲敗

大象賦注火守大旱又火入井中昆明池竭按此上三句史記所無疑本晉灼解禍成井語而錯之

東井西曲星曰戊

晉志鉞一星附井之前主伺淫奢而斬之故不欲其明
明與井齊則用鉞于大臣鉞前四星曰司惟主候妖變
明主間災修德保福

北北河南南河

北上當有戊字隋志司怪西北九星曰坐旗西四星曰
天高天高西一星曰天河主察山林妖變南河北河各
三星夾東井一曰天高之關門也主關梁步天歌一星
名鉞井邊安兩河各三南北正大象賦注南河南界亦
曰陽門亦爲越門北河
爲北界一曰陰門亦爲胡門占以南星不見則南道不
通北亦如之動搖及火守則中國兵起按唐書僧一行
山河兩界之說本于此其實誤以戊字爲戒字耳

輿鬼祠事中白者爲質

下鬼字當爲主步天歌鬼四星册方似朱櫃大象賦注

輿鬼四星質一星合五星

按晉隋志因
此云鬼五星

輿鬼主祠事天

目也主視明察奸謀東北星主積馬東南星主積帛

志史記正義

西北星主積金西南星主積錢

晉隋志並云積布帛

隨其變占之中一星爲積尸一名質主祀事質欲其忽

忽不明明則兵起大臣誅

通考云大臣謀主

晉志作鈇鑕

隋律

鬼四度通志略與鬼二度甘氏云積尸搖動失色則疾病鬼哭人荒明志鬼二度二十一分

火守南北河

連下二句卽言北河南河事錯在此

觀成演

大象賦注五車五星三柱九星合十四星

御覽荊州星占曰五車一

名倉庫凡十四星中有三柱三星若不見兵盡起

在畢東北天子兵車舍也西

北曰天庫主太白秦也次東北星曰天獄主辰星燕趙也次東南星曰天倉主歲星衛魯也中央星曰司空主鎮星楚也次西南曰卿主熒惑魏也五星有變各以其所主而占之

晉志天子得靈臺之禮則五車三柱均明

天潢五星在五車中

主河梁濟渡不明則津梁不通

晉志月五星入天潢兵起道不通

柳爲鳥喙主木草

史記作注象朱鳥之喙隋志柳八星天之厨宰一曰注

又主木功星明大臣重慎國安厨食具注舉首王命與

輔佐出星直天下謀伐其主星就聚兵鬪國門

小星詩傳三小

五囑疏引元命苞云柳五星隋律歷志柳十五度通志略柳十四度上爲天之中道元志十三度三十分明志

柳十二
度四分

七星頸爲員宮

史記作官隋志七星爲員宮辰廟也步天歌星七星如
銅柳下生通志略甘氏天主后妃御女之位亦爲賢士
失色芒動則后妃死賢士誅明大則久道化國盛張
衡云七星爲朱鳥之頸一名天都主衣裳衣冠東隱曰
喉也物在嚙喉終不久留故主壽事隋律歷志七
星七度元志六度三十分明志星五度四十八分
張喙爲厨主觴客

此言張象鳥喙郭璞云喙鳥受食之處晉志張六星主
珍寶宗廟所用及衣服又主天厨飲食賞賚之事星明

則王者行五禮得天之中

隋志張十八度通志略張十七度明志張十七度十九分

翼爲羽翮主遠客

隋志翼二十二星天之樂府主俳優戲樂又主夷狄之

賓星明大禮樂興四夷賓動則蠻夷使來離徙則天子

舉兵

步天歌翼二十二星大難議上五下五橫著行中心六箇恰如張更有六星在何處三三相連張畔

附必若不能分處所更請向前看野取五箇黑星翼下頭欲知名字是東顧隋律歷志翼十八度通志略十九

度明志翼二十度二十八分

軫爲車主風

隋志軫四星主冢宰輔臣也主車騎主載任有軍出入

皆占于軫又主風主死喪軫星明則車駕備動則車駕

用離徙天子憂就聚兵大起大象賦注軫兩旁小星左爲左轄右爲右轄占遠軫則國大衰外兵且入轄明大則兵起不見則國大憂隋律歷志軫十七度通志略引甘氏云軫七星主將軍樂府鼓譟之事五星犯之失位七國元志軫十七度三十分

長沙星星不欲明

他書皆是欲其明疑此衍不字也大象賦注長沙一星在軫星中主壽命星明主壽長子孫昌

天庫庫有五車車星角

史記庫下有樓字則非畢口之五車也史記正義誤解之按星

經庫樓星二十九星庫樓十星原作五誤隋志庫樓十星其六大星爲庫南四

星爲樓前角南一名天庫柱十五星衡四星隋志考十五星三三而聚者柱也中央四小星

衡也。在角南軫東南次器府東。步天歌青正之下名器府之星二十二隋志軫南三

十二星曰器府主樂器之屬青正七星一曰文陣兵車之府中繁眾則大

兵起庫中無盡星下臣謀逆兵盡出天下無災居者庫

中柱動出兵戈四夷狄柱半不具天子自將半兵出。按

天歌云以上便爲太微宮黃道向二看取是與大象賦俱列庫樓十星屬角此列在南宮非也馬貴與曰兩朝

志以爲屬軫

西宮咸池

石氏云西宮白帝其精白虎爲七宿淮南天文訓咸池

者水魚之圃也。注咸池星名水魚天神晉志天潢南三星曰咸池

魚圃也。直以爲魚圃與高誘注異隋志咸池明有龍墮死猛獸及狼

害人若兵起

五潢三柱

解見上晉志三柱一曰三泉

泉即淵唐諱淵廣雅天淵謂之三泉

通考朱

中興志總論曰咸池天潢三淵不附五車

奎曰封豨爲溝瀆

晉志奎十六星天之武庫也一曰天豕

步天歌腰綱頭尖如破鞋一十

六星透鞋生

主以兵禁暴又主溝瀆西南大星所謂天豕目

亦曰大將欲其明

隋志若帝淫佚政不平則奎有角角動則有兵又曰奎中星明水大出

爾雅以爲降左傳疏引孫炎云降下也奎爲溝瀆故稱

降也

隋律歷志奎十六度通志略石氏云明則天下安動則兵亂客星入守兵起火守有水明志奎十四

度三十分相覽七河圖帝祕徵
篇曰帝淫佚政不平則壘有角

婁爲聚眾

隋志婁三星爲天獄主苑牧犧牲供給郊祀亦爲興兵

聚眾星明則天下平和郊祀大享多子孫動則有聚眾

釋詁樓聚也律書者婁呼萬物且內之也故婁有聚義邵晉涵曰婁三星下勢埤

而上體舒晉志作二星非也宋志婁十二隋律歷志婁十三度通志略十二度下

九尺爲日月中道明志十二度四分元志十一度十分

胃爲天倉其南眾星曰膚積

步天歌胃三星鼎足河之次天廩胃下斜四星天囷十

三如乙形通志略明則四時和平倉廩實不明則上下失位動則有輸運事就眾則穀貴人流五廩

四星在昴南一日天膺天困十三星在胃南明而黃歲
豐微變常色則不吉金守火守之卽災起胃十五度隋
律曆志十四度明志
十五度四十五分

昴曰旄頭爲白衣會

隋志昴七星

詩疏引元命苞云昴七星

又爲旄頭胡星也天子出旄

頭罕畢以前驅此其義也昴明則天下牢獄平昴六星

皆明與大星等大水七星黃兵大起一星亡爲兵喪搖

動有大臣下獄及白衣之會

按此志突云爲白衣會文不具也

大而數

盡動若跳躍者胡兵大起一星獨跳躍餘不獨者胡欲

犯邊也

詩傳昴留也疏引元命苞云昴之爲言留也律書留者言陽氣之稽留也然則字當讀爲柳今

通作卯音非也

通志略引甘氏云主口舌奏對若明大則君無

佞臣天下安和搖動則信讒殺忠良按晉志卷舌六星

在昴北主口語以知讒佞甘氏云主口舌者蓋卷舌星

耳步天歌河裏六星名卷舌舌中黑點天謾星大象賦注天謾一星在卷舌中主巫醫也隋律歷志昴十一

度通志略同明志昴十度二十四分御覽六百四十二韓楊天文要集曰流星入昴貴人繫囚也

畢曰罕車爲邊兵

爾雅濁謂之畢

律書濁者觸也言萬物皆觸死也故曰濁

隋志畢八星其大

星曰天高一曰邊將主四夷之尉也星明大則遠夷來

貢天下安失色則邊亂一星亡爲兵喪動搖兵起

按此天高

就畢八星言之而大象賦注云天高四星在參旗西北

近畢步天歌畢上橫列六諸王王下四星天高星又別

有天高星也隋律歷志畢十六度通志略畢十七度

元志畢十七度四十分明志畢十六度三十四分

旁小星爲附耳

大象賦耳屬天高之隅隋志附耳一星在畢下主聽得失伺愆邪察不祥盛則中國微有盜賊邊候驚

昴畢間爲天街

易緯是類謀視在揀昴街門五侯觀象賦天街分中外之境注云天街一星昴畢間天街以西屬外國引弓之民皆屬焉天街以東屬中國冠帶之倫皆屬焉正義云街

南街北

參爲白虎

隋志參十星陳敷元精古經云古以爲三星考工記數伐而爲六星丹元于不數伐而數左右肩股爲七星天官家各有師承古今多不相同主邊城爲九譯故不欲其動其

中三星橫列三將也按節此祿所云衡石者也

隋律歷志參九

度唐志參十度元帝十一度十分明志參十一度四十分唐律歷志云星有虧參與鬼與古不同則參加十度皆減至一度者實始於唐明後加參十一度有餘則參減度宜矣

下三星前外四星左右肩股

隋志東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也主胡鮮與戎狄之國故不欲明七將皆明天下兵精也王道缺則芒角張伐星明與參等大臣皆謀兵起

觜

隋志觜觿三星爲三軍之候行軍之藏府主葆旅收斂

萬物明則軍儲盈將得勢動而明盜賊羣行觀象賦注葆旅野生

可食按彼以旅爲稱非也葆保古通用旅師注云主斂縣師所徵穀旅猶處也步天歌觜三星

相近作參藥通志略觜在參之右如鼎足形隋律曆志觜二度太元曆觜二度唐志一度元崇寧

所測半度至元所測五分明志缺度數

天廁天矢

步天歌玉井四星右足陰隋志玉井四星在參左屏星

兩扇井南襟隋志屏二星在玉井南軍井四星屏上吟東西四星日軍井

左足下四天廁臨廁下一物天屎枕隋志天廁四星在屏東溷也主觀天

下疾病天矢一星在廁南

天旗天苑九旂

步天歌參旗九箇參車間

晉志參旗九星在參西

旗下

直建九旗旂連

晉志西南九星曰旂天子之旗也

旂下十三鳥天園九

旂天園參腳邊

晉志天苑十六星在昴畢南主馬牛羊苑南十三星曰天園植果菜之所也然

天苑天園未知此志就指十三星又誤云九星也

狼

晉志狼一星在東井東南狼爲野將主侵掠色有常不

欲動也北七星曰天狗主守財

大象賦注在狼東北橫河中以守賊也徙移則

起兵

四星曰弧

晉志弧九星在狼東南天弓也主備盜賊常向于狼弧
矢動移不如常者多盜賊胡兵大起大象賦注矢不直
狼多盜賊矢滿弓
天下兵盡起按律書云西至于弧弧者言萬物之吳落
且就死也西至于狼狼者言萬物可度量斷萬物是彼
以弧狼並居二十八舍之列未詳其義邵晉涵曰月令
所載二十六星益以建弧而無算昴鬼張史記有建鬮
狼弧而無斗鬮并鬼

南極老人

大象賦老人作主而秋照丈人通神而夜襲

注老人一星在弧南

常以秋分之曙見于丙春分之夕見于丁丈人一星在
軍市南主老臣不見則人臣有不通也舊唐志開元十
二年測景使者大相元太云交州望極纔出地二十餘
度以八月自海中南望老人星殊高老人星下環星聚
然其明大者甚眾圖所不載莫辨其名大率去南極二
十度以上其星皆見乃古渾天家以爲常沒地中伏而

不見也

北宮玄武

宋中興志石氏云北方黑帝其精玄武爲七宿

危爲蓋屋

隋志危三星主天府天庫架屋動則王者作宮殿有土功墳墓四星屬危之下主死喪哭泣爲墳墓也動則有

喪危南二星曰蓋屋主治官室之官步天歌危三星不

直舊先知危上五黑號人星

通志略張衡云車府東南五黑星有如人象一曰臥

星主防淫不見則人有詐行詔書危十六度隋律歷志危十七度宋史十六度元史十五度四十分明志十四度五十三分

虛爲哭泣之事

晉志主北方邑居廟堂祭祀祝禱事又主死喪哭泣步

天歌虛上下各一如連珠命祿危非虛上虛危之下哭

泣星哭泣雙雙下壘城

大象賦注司命在虛北主死司命北主官爵司危

二星在司祿北主喪亡司非二星在司命北主愆過皆冥司之職若明大則災守常則吉哭二星在危南泣二星在危東明則國多哭金火守之如之天壘城十三星如貫索在哭泣東主北夷丁零之類金火守之則敵人犯塞按司非月令疏熊氏引星經作司中疑彼誤也隋志虛十度通志略虛九度少強明志虛八度四十一分

羽林天軍

隋志羽林四十五星在營室南一日天津軍

步天歌陣下分布羽

林軍四十五卒三爲羣星經星城威明天下安星暗兵盡失大象賦注客星守營中有奸臣

軍西爲星

隋志星壁陣十二星在羽林北羽林之垣星也

步天歌星壁陣

次十二星十二兩頭大如并

或曰戊

志以星或爲戊非也步天歌軍西四星多難論子細歷

歷看區分三粒黃金名鉄鉞一顆眞珠北落門

隋志八魁西北

三星曰鉄質一曰鉄鉞有星入之皆爲大臣誅

旁一大星北落

星經北落師門一星在羽林軍西主候兵星明大而角

軍兵安小暗天下兵

隋志師門猶軍門也長安城北曰北落門以象北也

危東司寇

史記作司空正義曰危東西兩相比者是司命等星也
司空惟一星又不在危東恐命誤爲空也按大象賦注
司空一星在奎南主外土隋志天溷南一星曰土司客
星入之多土功是也又畢北五車中央星曰司空主填
星又軫東南青正西四星曰土司空皆非危東此又誤
爲司寇

營室爲清廟

隋志歲星廟也晉志營室一星又爲軍糧之府及土功
事星明國昌小不明祠祀鬼神不享離宮六星天子之

則宮主隱藏休息之所步天歌室兩星上有離騰蛇二
十二星在管室北隋律歷志室十六度通志略室十
七度明志同元史十七度一十分

離宮閣道

星經離宮主六宮妃后位若乘守入成鉤已環繞左右
逆行往來于宮者爲妃后廢黜或主崩后黨被誅或宮
女外通以時占之晉志閣道六星在王良前從紫宮至
河神所乘也一日天子游別宮之道

四星天駟一星王良

晉志王良五良在奎北居河中天子奉車御官也其四
星曰天駟旁一星曰王良亦曰梁爲天橋主禦風雨水道

故或占車騎或占津梁客星守之橋不通道前一星曰

策星若移在王良前唐馬後是謂策馬則車騎滿野

王良移向四方隨方有兵起
策星明則馬賤暗則馬貴

絕漢天橫旁江星

晉志天津九星橫河中一日天漢一日天江主四瀆津

梁所以度神捕四方也一星不備關道不通

步天歌天
津九個彈

弓形兩星入河中橫星經星明動兵起參
差米貴隋志星七河水爲害或曰水賊稱王大象賦蒙

居河而路塞

注蒙一星亦名天江若
中河可居則道路不通

晉志江星不具天

下津河關道不通明若動搖大水出

史記正義天江
四星在星北

杵臼四星在危南

大彗賦杵軍急以標正曰年豐而確仰

注內杵云星在人星旁主軍糧

正直下曰吉不相當權絕內曰四星在人星東南覆則大飢仰則大豐稽志客星入之兵起天下聚米

匏瓜

大象賦注匏瓜五星主天子瓜菓明大潤光則歲豐不

然則瓜果不登客星守則魚鹽貴

敗瓜五星與匏瓜同占步天歌敗瓜珠上

匏瓜生兩節各五匏瓜明

南斗爲廟

斗宿當列于首其次非也隋志南斗六星爲文太室墳

星廟也主袞賢進士稟受爵祿又主兵

一曰南二星魁天機

天梁也中央二相天相也北二星杓天府庭也

大象列星圖作

天尉 亦爲天子壽命之期星盛明王道平和芒角動搖

天子愁兵起移徙其臣逐樂書焚惑入南斗天子下殿定 農丈人一星

在南斗西南老農主積也馬貴與曰斗牛之斗其分野反在北方北斗天樞在張宿

十度則其分野反在南方其理有不可究詰者隋志斗二十六度通志略斗二十五度明志斗二十四度二十

分四

其北建星

晉志建星六星在南斗北亦曰天旗天之都關也南二

星天庫也中央二星市也上二星旗跗也星動則厥勞

星經天弁九星在建近河爲市官之長明大萬物興步天歌魁上建星三相對天弁建上三三九晉志作天辯

也誤

牽牛爲犧牲

隋志牽牛六星主犧牲事上一星主道路次二星主關

梁次三星主南越星動爲牛災

星經星直穀米價平曲米貴通志略天田九星

在牽牛南太微東主天子畿內之田其占與角之天田同牛九度隋律歷志牛八度元史七度二十分明志九

度二十七分

其北河鼓

星經河鼓三星中大星爲大將軍左星爲左將軍右星

爲右將軍星直則吉爲有功曲卽凶爲失計奪勢左右

旗分九星並在牛北枕河主軍鼓達聲音設守險以旗

表亡動兵起河鼓有芒角爲將軍雄強

步天歌左旗右旗各九星河鼓

兩畔左邊明更有四黃名天桴河鼓直上如連珠晉志
旗端四星南北列曰天桴鼓桴也星不明漏刻失時前
近河鼓及桴相直皆爲軍鼓用

婺女

星經須女四星主布帛爲珍寶藏一名婺女

昭十年傳杜預引星

占云婺女爲既嫁之女織女爲處女

大明女功有就天下甚熟小暗天下

不足庫藏空虛大象賦注須女賤妾之稱主布帛裁制

嫁娶步天歌十二諸國在下陳先從越國向東論

星經越一

星

東西兩周次二秦

周二星在越東南秦

雍州南下雙鴈

門

代二星在秦星南

代國向西一晉伸

晉一星在代星北

韓魏各一皆

北輪

韓一星在晉星北魏一星在韓星北

楚之一國魏西屯

楚一星在魏星南

楚

城南畔獨燕軍

燕一星在楚星南

燕西一郡是齊隣

齊二星在越西南

齊北兩邑平原君

趙二星在鄭南

欲知鄭在越下存

鄭一星在越南

六黃星細區分

續漢志女十二度進二分宋史志十一度元史十一度三十五分

其北織女天孫也

大象賦注織女三星主瓜果絲綿珍寶若王者至孝通

于神明則三星俱明暗明則女工靡若大星怒而芒角

則布帛涌貫星經云在天紀東端常以七月一日之七

日見東方色赤精明女功善

大象列星圖云漸臺四星屬織女左足主暑刻律呂

若明正則陰陽調而律呂均不然則否也

東壁

志缺此宿晉志東壁二星主文章天下圖書之祕府也

星明王者興道術行國多君子星失色大小不同王者

好武經土不用考工記斬人魂室在東壁在西壁而在東壁者據十月在南方壁在東故云

東壁也隋志壁九度元志八度六十八明志壁十度二

十八分通志略下九尺爲天子之中道天殿十星在東

壁北天馬之廢今之驛亭也

星歲出入不當其次必有天祲見其舍也

晉志盈縮失次其國有憂不可舉事用兵通考中興志

歲星色青比參左角小于太白星經木星守斗貴人繁

大衰木星守星守文昌天下安木星守角七日有赦忠臣

用木星守庫樓人飢米貴木星守亢留三十日已上有

救年豐久守其國米貴人多疾病水災木星守氏后喜

房鉤天下和平留四十五日五穀豐人安吉無疾病木在
鈴咸北守而搖動天子淫佚過度木星守心天下安久
守而絕犯者臣謀主人兵起木星守尾立太子三十日
必后族逆兵妾賣權臣亂國木守箕宮有口舌木守南
斗六十日大臣增壽爵祿木逆行入魁中大臣逆久守
兵起水災大飢人相食木星守牽牛天下和平久守水
災米貴木星守女歲多水有喜女主人多凍死木星守
虛昭穆失序人飢多病木星與土合守名陰陽盡爲大
水災魚行人道民流亡三年當大旱木星守危祀不敬
天子別造宮室木星守室在東南有善事西北卽憂西
米貴五星犯北落兵起金水木屋守猶甚木土犯吉木
星守壁五星犯北落兵起金水木屋守猶甚木土犯吉木
軍功御覽八百七十五京氏易五星占曰歲星失度何
人君不仁春殺無辜則歲星失度其救也慈仁敬讓廣
恩惠施無犯四時則歲星承度

石氏槍機梃彗異狀其殃一也

晉志彗體無光傅日而爲光故夕見則東指晨見則西

指在日南北皆隨日光而頓挫其芒或長或短光所及則爲災天棊一名鬯星或出東北方西方主奮爭天槍其出不過三月必有破國亂君伏死其事殃不盡爲旱饑暴疾天機甘氏本類星末如巫咸曰彗星出西方長可二三丈主捕制河圖云歲星之精流爲天棊天槍天猾天衡國皇及登蒼彗宋均鉤命決注曰彗五彗也蒼則王侯破天子苦兵

御覽八百七十五河圖稽耀鉤曰五星散爲五色之彗

漢京

房注風角書有積集章所載妖星皆見干月旁互有五

色方雲以五寅日見各有五星所生云

天槍天根天荆真若天懷天樓

天垣皆歲星所生也見以甲寅其星咸以兩青方在其旁

所居之宿國受殃

隋志熒惑司天下羣臣之過熒惑不動不兵戰有誅將

刀出色赤怒逆行成鉤已戰凶有圍軍鉤已有芒角如

鋒刃人主無出宮下有伏兵芒大則人民怒君子遑遑

小人浪浪不有亂臣則有大喪人欺吏欺王中興志

熒惑色赤比星大星大小類

星經火入紫微宮下天

守斗兵起人主災人不聊生火星守文昌國亂兵起火

星守角忠臣賢相受誅萬人兵大環繞鉤已者國大饑

火犯之必戰守左角太尉死國危守右角五穀不熟大

水災犯左右角羣臣謀戰不成伏誅火守巽提格天下

更主火守亢多雨天下盡反兵大起火守氏大臣相潛

逆行而赤色大臣亡久守六十日有大赦火星入之有

賊臣爲亂火守房有兵起七日有大喪及赦十日有大

夫災二十日不去必臣反君火守賈索米貴火守心地

動守二十日臣謀主色黑主崩之象火守天市米貴火
守天棒兵起火守天龜天魚南旱北水火守尾兵相向
大臣憂火與水合守箕尾間名九江口必有赦若勝踊
折絕者天下亂及早災火守箕天下飢久守環繞成鉤
已大臣被誅火守鼈旱火守南斗國有內變相輔不安
兵起火逆行順守者及繞城鉤已將相死國災火久守
國絕嗣火守織女布帛貴兵起十年乃息公主憂火守
牽牛老臣逆牛貴十倍人相食兵起將軍死大水火守
天雞兵起火守女宿產婦多死布帛貴火守虛赤地干
里女子多死萬物不成有土功役土火守墳墓人多役
死不葬歲儉南方有兵火守室將軍凶久守成鉤已者
主失官位大臣作逆火守北落兵弱不可固國殘亡火
守壁大臣謀君歲旱米貴兵起通志略引云金火守奎
有水災金火守婁則宮苑之內兵起金火守昴胡夷兵
起火守五車三柱天下旱金火守參國易政兵起災生
火守積薪大旱金火守軍市軍大饑金火守闕五兵戰
闕下金火守狼兵起金火守天狗人相食火犯七星旱
火守犯張兵起金火守東甌其地有兵金火犯土司空
田不得耕女不得織大象賦注火守庫府兵革大動火
守雲雨四星則早火入積水兵起火守犯積尸天下大

疫火守軍井井無水將軍多死火守咸池大災火守兩
河中國兵起火入長垣胡入中國晉志熒惑守天江有

立主

必視熒惑所在

易辨終備是類謀皆有其語淮南天文訓熒惑常以十

月入太微受制而出行列宿伺無道之國晉志熒惑散

爲昭旦蚩尤之旗昭明司危天機赤彗

京房書有天陰
晉若宮張天惑

天崔赤若蚩尤皆熒惑之所生也
出在丙寅日有兩赤方在其旁

太白爲失舍

星經金星守文昌兵大起兵守角天下兵大盛金火合
守太白居後破軍殺將金星守攝提兵起金星守大角
兵大起金星守亢天下道不通兵起盜賊水災傷人金
守七公天下兵起亂金守房鉤鈴情臣爵君大有土功

國亂人飢易主金守心山崩四方兵起久守二十日以
上去心三寸兵起戰上殿期八十日金入守尾人亂大
臣變易失政金守箕兵起有赦更主久守風旱防內亂
金守建星萬物不成金守南斗執法大臣作逆國亂兵
起有赦火星金俱入斗中名曰錄必有臣子逆久留遲
火經過速出者禍難速平金守牽牛地氣泄兵起至城
天下人多死金守女臣下謀主金兵起人死女多寡府
藏出珍帛金守虛臣謀主殺人流血金守危罷女將軍
喜慶金守室兵革散久守軍兵滿野金守壁天下不通
王者急刑罰有兵大臣憂大象賦注金火犯天牢爲災
貴戚敗金守天田主兵金守火折威主有邊將弃市金
火入守車騎爲災變色搖動則兵事行金火守氏中國
無主日一星在房中前道金火守犯則人主憂金火守
陣車則兵起金火守犯狗國則邊兵起金火守天雞則
兵火起金火守輦道則御路有兵起金火守奚仲則兵
起金火守哭泣則國多哭金火守天壘則敵人犯塞金
火守土吏兵起金火守虛梁兵起金火守蓋屋則國兵
起金火守天鏡天網則兵起金火守八魁不吉金火守
離宮兵起金火入守壘壁則兵火起金火犯守左右二
更山澤兵起金火守王良皆爲兵憂月一星在天街西

金火守臣下兵起金火守天街胡兵起金火守殊口兵
火起金火守九游兵亂起金入五車兵起金犯守咸池
兵起金守東井兵起金火守天社兵火起金火
守軒轅四星則女主惡之金入長垣九卿謀入

正其上出視其所指

其當爲旗史記正義旗星名有九星言星辰上則破軍
殺將客勝也按牽牛北有左右旗背上有坐旗參西有
參旗皆九星此當爲參旗也

太白白比狼

中興志太白色白比狼星而大又大于歲星晉志凡五
星有色大小不同各依其行而順時應節色變有類凡
青皆比參左肩赤比心大黃星比參白比狼星黑比奎

大星不失本色而應其四時者吉色害其行凶太白散

爲天杵天柎伏靈大敗司姦天狗天殘卒起白彗

京房書若

星彗星若彗竹彗牆星彗星白晝皆太白之所生也出
在庚寅日有兩白方在其旁也按呂覽有天竹卽竹彗
耳

辰星地動

隋志辰星見主刑色黃而小地大動中興志辰星色黑

比奎大星小于歲星晉志辰星散爲枉矢

御覽八百五十七尙書中

候曰夏桀無道枉矢射參破女拂樞滅寶繞纒驚理大奮祀黑彗

京房

書天美天冕天社天麻天林天蒿端下皆辰星之所生
也以壬寅日有兩黑方在其旁星經水守角王者刑罰
急有水災疾疫水守亢米貴久多病大水災水守氏有
大水漂浸宮館萬物不成貴臣憂有獄事水守貫索水

災水犯心有水災及旱災起布帛貴水守尾天下水災
江河決魚米貴土水二星守箕萬物不成飢久守兵起
米貴水守箕穀不豐入大人憂水守建星人飢悽惶水
守龍水災水守南斗水守女有水災萬物不成布帛貴
水守虛旱水守危臣下謀亂敗破被刑法官有憂國有
水災水守室水災民爲口主欲敗亡候之不出四十日
水守壁水災道不通大象賦注水守
天田天淵並主水水守龜天下大水

填星迺爲之動

御覽春秋元命苞曰地候鎮星別名也

廣雅填星謂之地候隋志

司天下女主之過又曰天子之星也天子失信則填星

大動中興志填星色比參右肩小于辰

馬貴與曰唐孔氏謂五星之行

金水日行一度火七百八十日行星四百十五度木三
百九十八日行星三十三度惟土三百七十七日行星
十二度蓋土性重厚其行最遲故其爲變亦少按淮南
天文訓填星日行二十八分度之一一歲行十三度百

一十二分度之五二十八歲而周太宗伯疏星備云五
星初起牽牛歲星一日行十二分度之一十二歲而周
天熒惑日行五十三分度之一三十三歲而周天鎮星
日行二十八分度之一二十八歲而周天太白日行八
分度之一八歲而周天辰星日行
一度一歲而周天北及其異者也晉志填星散爲五殘
獄漢大賈昭星絀流旬始蚩尤虹蜺擊咎黃彗京房書天上天
伐從星天樞天翟天沸荆彗皆填星所生也出在戌寅
日有兩黃方在其旁按呂覽明理篇有天千卽天伐也
中興志云妖星三十五既多複出不
可攷而其分隸亦往往傳會難信

失次

星經土星犯乘北極大人當之太子有罪土守角內主
喜六十日國有忿爭土星守亢萬物不成多病土守心
聖帝出謀臣天下太平土入尾萬室貴兵起失將出征
土守南斗中有王者不用兵昇大位守之九十日兵起
水災土守天雞人飢相食流亡土守女人相賊惡有賊
人暴貴有女喪土守虛風雨不時大旱米貴土守危土

功起早損急兵土守室主造宮室購軍益封木土犯北
落吉土守東壁經九十日以上大兵起百姓有立王者
歲與填合爲內亂

天官書晉隋志下皆有錄字此脫

名曰牝牡年穀大熟

太玄辰上九倉靈之雌不同宿而離失則歲之功乖注
倉靈歲星也其雌謂太白也

與金合爲鍊

魏收天象志癸惑犯太白占曰是謂相鍊不可舉事用
兵成師以出而喪其雄之象

是謂大湯

隋晉志俱作太陽

維星散句星信則地動

晏子雜篇晏子語柏常壽曰吾見維星絕樞星散地其動乎按此志以斗杓後三星爲維星則晏子所云樞星者當卽北辰之樞星然晉隋志俱云房北一小星曰鈎鈎鈎鈎有星及疏圻則地動河清又造父星西河中九星如鈎狀曰鈎星直則地動必不極後句星也

有星守三淵天下大水

晉志三柱九星在星北一曰三泉廣雅天淵謂之三淵
大象賦注水入大水晉隋志又天淵十星一名天海水

守則水

絕星散者山崩

隋志天紀九星在黃帝東主萬事之紀理怨訟散絕則地震山崩有喪之占後來所無

龜籠星不居漢中川有易者

大象賦注龜五星主定吉凶明則君臣和不明則垂旻不居漢中川有易通志略云亡則赤地千里隋志隋十四星在南斗南籠爲水蟲歸太陰有星守之白衣會主有水

辰星入五車大水

大象賦注水入水御覽八百七十二孝經內事曰天子得靈臺之禮則五車均明河行不離其常

熒惑入積水積薪

晉志積水一星在北河西北所以供酒食

大象賦注天船中主有水

災火入兵起水入多水此別一積水

積薪一星在積水東北供庖廚

大象賦注

明則人主康微則否火守大旱

北戌

晉隋志南河北河各三星南河曰南戌北河曰北戌蓋戌守之戌或疑與井戌相連以爲戌字非也觀象賦兩河俠井而相望大象賦兩河占胡越之急皆謂此

角亢氏沈州

晉志依三統歷云自軫十二度至氏四度爲壽星于辰

在辰

郭璞云數起角亢列宿之長故曰壽

鄭之分野屬兗州

費直周易分野壽星起軫

七度蔡邕月令章句壽星起軫六度淮南天文訓角亢鄭觀象賦注角亢鄭國兗州以氏屬豫晉唐書天文志

角亢壽星之次辰初起軫十度中角入度終氏一度

房心豫州

自氏五度至尾九度爲大火于辰在卯宋之分野屬豫

州費直起氏十一度蔡邕起亢八度淮南天文訓氏房心宋觀象賦注氏房心陳國豫州陳當作宋舊唐志

氏房心大火之次卯初起氏二度中房二度終尾六度

衛之分野屬并州

費直起危十四度蔡邕起危十度淮南天文訓營室東
壁衡觀象賦注同舊唐志營室東壁詠嘗之次亥初起
危十三度中室十二度終奎一度按衛既小國虛設分
野而云屬并州并州晉地自相矛盾前人所疑固矣然
洪邁云千分地了不相干李濟風蔽于天而不知地則
于清風了不相干也漢律歷志云危十六度終奎四度
爲詠嘗地理志衛地營室東壁分野此云營室東壁并
州而晉志所配列郡皆漢舊郡彼固引范蠡鬼谷先生
張良張衡並云然則自昔以來相傳分隸如此舊唐志
云七國交爭善星者有甘德石申更配十二分野張衡
蔡邕又以漢郡配焉貞觀中李濟風撰法象志始以唐
之州縣配焉則清風與修晉書仍還古書之舊耳洪氏
輒譏之一何粗
煥而不攷也

奎婁胃徐州

自奎五度至胃六度爲降婁于辰在戌魯之分野屬青

州費直起奎二度蔡邕起奎八度淮南天文訓奎婁魯
觀象賦注奎婁魯國徐州以胃屬冀舊唐志奎婁及

胃降婁之次戌初起奎二度中婁一度終胃三度開元中僧一行日舊經奎誤距以西大星故壁損二度奎增二度今復距西南大星即奎壁各得本度

昂畢冀州

自胃七度至畢十一度為大梁于辰在酉趙之分野屬

冀州費直起婁十度蔡邕起胃一度淮南天文訓胃昂畢魏觀象賦注胃昂畢趙國冀州舊唐志昂畢大

梁之次酉初起胃四度中昂六度終畢九度

觜觶參益州

自畢十二度至東井十五度為實沈于辰在申魏之分

野屬益州費直起畢十度蔡邕起畢六度淮南天文觜觶參趙觀象賦注觜參魏國益州舊唐志觜

觶參伐實沈之次申初起畢十度中參七度終井十二度按觶分為益州亦不可通

井輿鬼雍州

自東井十六度至柳八度爲鶉首于辰在未秦之分野

屬雍州

費直起井十二度蔡邕起井十度淮南天文觀象賦注井鬼秦國雍州同舊唐志東井輿鬼鶉

首之次未初起井廿二度中井二十七度終柳六度

柳七星張三河

自柳九度至張十六度爲鶉火于辰在午周之分野屬

三河

費直起柳五度蔡邕起柳三度淮南天文柳七星張周舊唐志柳星張鶉火之次午初起柳七度中

星七度終張十四度又一行云張六星十八度中央四星爲朱鳥喙外二星爲翼比來不敢取膺前爲距錯取翼星卽張加二度半七星欠二度半今依本經爲定

翼軫荆州

漢書地理志卷二十一 星 四

自張十七度至軫十一度為鶉尾于辰在巳楚之分野

屬荊州賈直起張十三度蔡邕起張十二度淮南天文翼軫楚舊唐志翼軫鶉尾之次巳初張十五度

中翼十二度終軫九度

辛西夷

唐歷志五星議曰後魏神端二年十二月熒惑在匏瓜

星中一夕忽亡不知所在崔浩以日辰推之曰庚午之

夕辛未之朝天有陰霧熒惑之亡在此二日庚午未皆

主秦辛為西夷今姚興據咸陽是熒惑入秦矣

壬燕趙癸北夷

淮南天文訓作壬衛癸越

未中山

天文訓作未宋

戊吳越亥燕代

天文訓作戊趙亥燕按淮南似近之

五星贏縮

隋志張子信云五星行四方列宿各有所好惡所居遇其好者則留多行遲見早遇其惡者則留少行速見遲與常數並差少者差至五度多者差至三十許度

攝提格

高誘注格起言萬物承陽而起又地形訓注攝提天神

也

歲星正月晨出東方

天官書歲陰左行在寅歲星右轉居丑淮南天文訓太歲在寅歲名曰攝提格其雄爲歲星舍斗牽牛以十一月與之晨出東方按馮相氏注歲星與日同次之月斗

所建之辰樂說說歲星與日常應太歲月建以見然則

今歷太歲非此也

疏云太歲在地與天土歲星相應而行歲星爲陽右行于天一歲移一辰

又分前辰爲一百三十四分而侵一分則一百四十四年跳一辰十二辰而則總有千七百二十八年十二歲辰而歲左行于地一與歲星跳辰年數同以歲星爲陽人之所見太歲爲陰人所不見歲星與太歲雖右行左行不同要行度不異故舉歲星以表太歲若元年甲子朔旦冬至日月五星俱赴于牽牛之初是歲星與日同

次之月十一月斗建子子有太歲至後年歲星移向子
上十二月日月會于玄枵十二月斗建丑丑有太歲自
此以後皆然今歷太歲歲星北辰太
歲無跳辰之義非此經太歲者也 按天官書與淮南

同爲跳辰而史隔一辰淮南隔二辰又不同蓋淮南又

云太陰在四仲則歲行三宿太陰在四銷則歲星行二

宿與太初法異也此志削之似太歲歲星間辰無跳辰

之法始于此

錢大昕曰歲星與太歲相應歲星居丑太歲必在子而歲陰則在寅寅在子前二辰

也歲星居子太歲必在丑而歲陰則在卯卯在丑前二辰也十二辰皆然歲陰非太歲也歲陰又謂之太陰又曰青龍史記淮南並以太陰紀歲攝提格以下十二名皆謂太陰在所班氏天文志本承用史公之文乃云太歲在寅曰攝提格皆在卯曰單閼此誤以歲陰爲太歲也按歲星太歲之外別有太陰不見于書觀淮南書中或以太陰爲歲星或以太陰爲太歲循文求之各自明了錢又立別名目淺學未究其旨也

單闕

高誘注單盡闕止也陽氣推萬物而起陰氣盡止也

宋

引孫炎本作蠲焉蠲蠲伸也按闕氏之闕讀爲焉故歷書闕遂又作焉達

按石氏云名監德

降入者索隱云歲星正月二月晨見東方之名下倣此

執徐

高誘注執蠶徐舒也伏蟄之物皆散舒而出也

大亢落

高誘注亢大也方萬物熾盛而大出霍然落落大布散

律書天官書

落並爲略

散祥

高誘注散盛悍壯也言萬物皆盛壯

索隱引孫炎同

協洽

高誘注協和洽合也言陰欲化萬物和合

涪灘

高誘注涪大灘修也言萬物皆修其精氣史記正義孫

炎云萬物吐秀傾垂之貌

呂氏春秋序意篇注涪大也

也又一切經音義李邕云言萬物皆循精氣故曰涪灘灘單盡也淮南注作修蓋誤

石氏曰名天晉

史記作大音按管子五行篇五鍾一曰青鍾大音疑大

音是

作詔

高誘注零落也正義李巡云萬物皆落技起之貌

掩茂

高誘注掩蔽茂冒也言萬物皆蔽冒

大淵獻

高誘注淵藏獻迎也言萬物終于亥大小深藏窟伏以

迎陽

名天皇

史記作大章徐廣曰一曰大星索隱云漢志亦作大皇
星此又誤爲天皇下天宗史作天泉

困散

高誘注困混散沌也。皆屬氣皆混沌萬物牙孽也。

赤奮若

高誘注奮起也。若順也。言陽奮萬物而起之無不順其性也。赤陽色。又地形訓注赤奮若天神也。

以熒惑太白爲有逆行

隋志秦歷始有金火之逆。又甘石並附自有差異。漢初測候乃知五星皆有逆行。

國皇星

馬總意林神農問于太一小子曰。天有九門中道最長。

日月行之名曰國皇字曰老人出見西方長生不死眾
曜同光蓋其名偶同也隋志或曰橫星散爲國皇主賊
姦主內寇難見則兵起魏天象志占曰國皇見有內難
急兵

昭明星

隋志出于西方金之氣也望之去地可六丈而有光其
類太白數動察之中赤如守房心國不有喪必有屠城
昭明下則爲天狗所下者大戰流血

五殘星

西山經西王母司天之五殘隋志或曰旋星散爲五殘

亦曰一本而五枝也一日五鐘或曰星表青氣如暈有毛其類歲星出則兵大起其出也下有喪

六賊星

呂覽有賊星隋志六賊火之氣也出則兵起

司詭星

隋志或曰機星散爲四危見則主失法期八年豪傑起天子以不義失國有聲之臣行主德也又曰司危見則其下國相殘滅

咸漢星

隋志獄漢一曰咸漢或曰權星散爲獄漢青中赤表下

有三彗從橫主逐王刺王明史天文志風角書凡妖星以五寅日出見

四填星

隋志四填星大而赤去地二丈當以夜半時出見十月而兵起

地維藏光

隋志土之氣也大而赤出地二三丈如月始出謂之地維藏光出東北隅天下大水出東南隅天下大旱出西南隅則有兵起出西北隅則天下亂兵大起

燭星

隋志上有三彗上出彗星所出彗反

歸邪

晉志以爲瑞氣隋志或曰有兩赤彗上向上有蓋狀如氣下連星或曰見必有歸國者

金之散氣其本曰人

史記人作火按淮南天文訓天道曰圓地道曰方方者主幽園者主明明者吐氣者也是故火曰外景幽者含氣者也是故水曰內景蓋星爲陽精爲外景史記作火爲是

漢晉志天漢起東方

經尾箕之間謂之漢律乃分爲二道其南經傳說魚天

箭天并河鼓其北經龜貫箕下次絡南斗魁左旗至天

津下而合南道乃西南行又分夾匏瓜絡人星杵造父

騰蛇王良傳路

傳路一星在閭道南

閭道北端太陵天船卷舌而

南行絡五車經北河之南入東井水位而東南行絡南

河闕正天狗天紀天稷在七星南而沒

漢唐書一行曰五月一陰生而

雲漢潛萌于夫稷之下進及井斂開得坤維之氣陰始

達于地上而雲漢上升始交于列宿七緯之氣通矣東

井攝百川上流故躔首爲秦蜀虛得兩戒山河之首雲

漢達坤維右而漸升始居列宿上宿篇參伐皆直天關

表而在河陰十月陰氣進乾維始上達于天雲漢至營

室東壁間升氣悉究與內規相接故自南正達于西正

得雲漢升氣爲山河上流自北正達于東正得雲漢降

氣爲山河下流星紀得雲漢下流百川歸焉析木爲雲

漢末流山河極焉明天文志徐光啟論雲漢曰天漢起東方尾箕間經龜魚說天江豫星天篇斜行連箕斗天弁河鼓左右旗西映天市之吳越至宗人宗星而止其大勢上絡天津至車府造父騰蛇王良附路關道大陵天船則漸下而南行曆卷舌五車諸侯天關司怪水府入東井過四瀆關立天狗弧矢之墟迄天柱海石之南踰南船帶海山貫蜜蜂十字架旁馬腹而極于南門一星是爲帶天一周以理極之近南極者固應尙有雲漢其所見當不誣也按其云屬觀十字架蜜蜂皆昔無今有之星常隱天河中

天鼓

晉志京房易妖占曰天有聲人主憂又易傳曰萬姓勞

厥妖天鳴

天狗

隋志金火氣合名曰天狗或曰星出其狀赤日有光下

卽爲天狗又云軍有黑氣如牛形或如馬形從氣霧中

漸漸入軍名曰天狗下食則軍破

按隋志天狗凡三見其實一也未嘗

耳

格澤

隋志又曰格澤氣赤如火

廣雅以格澤爲妖氣

炎炎中天上下同

色東西絕天若于南北長可四五里此熒惑之變見則

兵起其下伏尸流血

隋志又以格澤爲瑞星中興天文志瑞星十二五日格澤疑非也

蚩尤旗

呂覽明理篇其狀若蚩尤旗以長黃上白下名蚩尤之

旗隋志或曰四望無雲獨見赤雲蚩尤旗也

按言蚩尤旗者其狀

不一水經注皇覽曰蚩尤冢在東郡壽張縣有赤氣出如絳名爲蚩尤旗則言赤雲者近是

旬始

御覽

三百二十

亥女兵法曰北斗之中禽有旬始狀象雄雞

制百兵之母能得其術何神不使九地九天各有表裏
三奇六合主威軍士隋志或曰樞星散爲旬始常以戊
戌日視五車及天軍天庫中有奇怪曰旬始狀如鳥有
喙而見者則兵大起攻戰當其首者破死又曰出見北
斗聖人受命天子壽王者有福

按李奇讀怒爲帑是也怒同鳥帑之帑杜預曰

鳥尾曰帑

枉矢

呂覽明理篇有游蛇西東按此卽枉矢高誘解爲蛇妖非隋志機星散爲枉矢枉矢見謀反之兵合射所誅亦爲以亂伐亂

長庚

隋志列于雜妖中詩傳日旣入謂明星爲長庚廣雅太

白謂之長庚或謂之太蒼

孔疏謂不知長庚是何星邢昺爾雅疏變其文亦云然此

通人之蔽矣按此亦太白所變

景星

觀象賦注瑞應圖曰景星大如半月生于晦朔助月光明當堯之時有此星見隋志或曰星大而中空或曰有三星在赤方氣與青方氣相連黃星在赤方氣中亦名

德星

日有中道月有九行

續歷志嘉平中治歷郎梁國宗整上九道術隋志京房別對曰太平日行上道升平日行次道霸代日行下道又云循黃道東行一日一夜行一度三百六十五日有奇而周天又云日去赤道表裏二十四度遠寒近暑而中和二分之一日去天頂三十六度日去地中四時同度而有寒暑者地氣上騰天氣下降故遠日下而寒近日下而暑非有遠近也猶火居上雖遠而炎在傍雖近而

澈通考王奕按渾天說黃道九道其初本無是因日行而強名之日行曰黃道黃色之中也黃道即中道日

道居中月五星循左右兩行故日道獨黃月行青朱白
黑道各兼黃道而言故又謂之九道也是故月道出入
于黃道其最遠者去黃道六度月行黃道之內曰陰歷
行黃道之外曰陽歷北爲內南爲外然漢志謂黃道北
至井去極近南至牽牛去極遠東至角西至婁去極中
晉葛洪則謂黃道與赤道東交于角西交于奎南至斗
北至井唐志又云黃道春分與赤道交于奎秋分交于
軫南至斗北至井與漢志殊何也蓋赤道分天之半今
古不易黃道本無定體因日行而爲之名日之行也
每歲有差漢志主太初而言此古今所以不同也

此日去極遠近之差暑景長短之制也

按以渾天言之也月令疏天如彈丸圓圓三百六十五
度四分度之一按考靈曜云一度二千九百三十二里
千四百六十一分里之三百四十八廣雅帝王世紀
並脫此十四字周
天百七萬一千里者是天圓周之里數也以圓三徑一

言之則直徑三十五萬七千里此圍二十八宿周回直

徑之數也

廣雅作橫一百七萬九百一十三里然二十八宿之外上下東西各有萬五千里是謂四遊之極謂之

四表據四表之內總有三十八萬七千里然則天之中央上下正半之處則一十九萬三千五百里地在其中

鄭注考靈曜云地蓋厚三萬里

廣雅云天度從地至天一億一萬六千七百八

十七里度地之厚與天高等此異說非鄭義

春分之時地正當中自此地漸

漸而下至夏至之時地下遊萬五千里地之上畔與天

中平夏至之後地漸漸而上至秋分地正當天之中央

自此地漸漸而上至冬至上遊萬五千里地之下畔與

天中平自冬至後地漸漸而下此是地升降于三萬里

之中

大司徒曰至之景尺有五寸謂之地中鄭云南戴日下萬五千里地與景辰四游升降于三萬里之中

是以半之但渾天之體雖繞于地地則中央正平天

則北高南下北極高于地三十六度南極下于地三十

六度北極之下常見不沒南極之上常沒不見南極去

北極一百二十一度餘若逐曲計之則一百八十一度

餘若以南北中半言之謂之赤道去南極九十一度餘

去北極亦九十一度餘此是春秋分之日道也赤道之

北二十四度爲夏至之日道去北極六十七度也赤道

之南二十四度爲冬至之日道去南極亦六十七度地

與星辰俱有四遊升降自立春地與星辰西遊春分西
遊之極地雖西極升降正中從此漸漸而東至春末復
正自立夏之後北遊夏至北遊之極地則升降極下至
夏季復正立秋之後東遊秋分東遊之極地則升降正
中至秋季復正立冬之後南遊冬至南遊之極地則升
降極上冬季後復正此是地及星辰四遊之義也星辰
亦隨地升降故鄭注考靈曜云夏至日道上與四表平
下去東井十二度爲三萬里日有九道九道見本志下
文彼云月行道
異日春東從赤道夏南從赤道秋西從白道冬北從黑
道立春星辰西遊日則東遊春分星辰西遊之極日東

遊之極日與星辰相去三萬里夏至星辰北遊之極日
南遊之極日與星辰相去三萬里以此推之秋冬倣此
可知計夏至之日日在井星正當嵩高之上以其南遊
之極故在嵩高之南萬五千里所以夏至有尺五寸之
景也於時日又上極星辰下極故日下去東井三萬里
也然鄭四遊之極元出周髀之文但日與星辰四遊相
反春分日在婁則箕星極西日體在婁星之東去婁三
萬里以度言之十二度也則日沒之時去昏中之星近
校十度且時日極於東去日中之星遠校十度若秋分
日在角則角星極東日體在角星之西去角三萬里則

日沒之時去昏中之星遠校十度且時日極于西去且中之星近校十度此皆歷乖違于數不合鄭無指解其事有疑

按志言晷景長短隋志以爲用劉向鴻範傳所說也二分之景直以率推非因表候定其長短

舊唐志開元十二年太史監南宮說擇河南平地以水準繩樹八尺之表而以引度之陽城北至之晷一尺四寸八分弱冬至之晷一丈二尺七寸一分半春秋分其長五尺四寸三分大率五百二十六里二百七十步影差二寸有餘北極差一度半而先儒以爲日景于地千里而差一寸又乖舛而不同矣

此寒燠之表也

馮相氏疏云易緯通卦驗云冬至日置八神樹八尺之

表日中視其影如度者歲美人和暑不如度者歲惡人

偽言政令之不平

神鏡如引言八引者樹杪于地四維四引中引繩以正之故因名之曰引立

表者先正方面于視日審矣按此三十九字今本所無疑是注混入

暑進則水暑退則旱

進尺二寸則月食退尺二寸則日食

今本退尺下無二寸字

注云

暑進謂長于度日之行黃道外則暑長暑長者陰勝故

水暑短于度日者之行入進黃道內故暑短暑短者陽

勝是以早進尺二寸則月食者月以十二為數以勢言

之宜為月食退尺二寸則日食者日之數備于十

今本無注

暑長為涼短為旱奢為扶

通卦驗云暑進爲羸退爲縮稽爲扶羸者賞無功富民
重有餘縮者罰無罪貧民重不足扶者諛臣進忠臣退
按此注鄭氏曰扶當爲蟠蟠止不行也通卦驗注扶亦
作此扶字下有脫誤說文扶並行也輦字從此讀若伴侶之
伴集韻古扶字作扶然則此扶字義當如許慎說與羸
縮之文相配與蟠聲亦近

月行則以晦朔決之

隋志其行有遲疾極遲則日行十二度強極疾則日行
十四度半強遲則漸疾則漸遲二十七日半強而遲
疾一終矣又月行之道斜帶黃道十三日有奇在黃道

表又十三日有奇在黃道裏表裏極遠者去黃道六度
二十七日有奇陰陽一終月令疏歷象之說月一日至
四日行最疾日行十四度餘自五日至八日行次疾日
行十三度餘自九日至十九日行則遲日行十二度餘
自二十日至二十三日又小疾日行十三度自二十四
日至于晦行又最疾日行一十四度餘此是月行之大
率也二十七日月行一周天至二十九日強半月及于
日與日相會乃爲一月考靈曜云九百四十分爲一日
二十九日與四百九十九分爲
月是一月二十九日之外至第三十分至四百九十
九分月及于日計九百四十分則四百七十爲半今四
百九十九分是過
半二十九分也

至衝而應

通卦驗卦氣不至其災各以其衝應之

若乾主立冬乾氣不至則立夏

有寒傷稼也李光地曰歲淫立楞以害鳥帑之類

日暈厚薄

隋志天氣下降地氣上升厚則日紫薄則日赤若于夜則月白皆將雨也或天氣未降地氣上升厚則日黃薄則日白若于夜則月赤將旱且風亦爲日月暈之候日暈周帀東北偏厚厚爲軍福在東北戰勝西南戰敗

重抱

晉志日重抱內有璠順抱擊者勝亦曰軍內有欲反者

抱爲和背爲不和

晉志抱者順氣也背者逆氣也兩軍相當順抱擊逆者勝隋志日暈四背在暈內名曰不和有內亂

爲分離相去

隋志背于內者離于內背于外者離于外凡占分離相去赤內青外以和相去青內赤外以惡相生

直爲自立

晉志赤氣長而立旁爲直日旁有一直敵在一旁欲自立從直所擊者勝

抱且戴

隋志戴者形如直狀其上微起在日上爲戴戴者德也
國有喜也一云立日上爲戴青赤氣抱在日上小者爲
冠國有喜事又云日暈負且戴國有喜

圍在中中勝在外外勝

隋志日暈有兵在外者主人不勝暈內有珥一抱所謂
圍城者在內內人則勝

見半日以上功太

大連下白字誤爲太也隋志有軍日暈不而半暈在東
東軍勝在西西軍勝南北亦如之

白虹

晉志凡夜霧白虹見臣有憂晝霧白虹見君有憂虹頭尾至地流血之象

雲氣有獸居上者勝

隋志敵上氣如乳虎豹伏者難攻軍上雲如馬頭低尾仰勿與戰軍上雲如狗形勿與戰

江淮之間氣皆白

晉志東海氣如負簦附漢河水氣如引布江漢氣勁如杼濟水氣如黑犄渭水氣如狼白尾淮南氣如白羊少室氣如白兔青尾恆山氣如黑牛青尾東夷氣如樹西夷氣如室屋韓雲如布趙雲如牛楚雲如日宋雲如車

魯雲如馬衛雲如犬周雲如車輪秦雲如行人魏雲如鼠鄭雲如絳衣越雲如龍蜀雲如困

捎雲精白者其將悍

隋志兩軍相當敵軍上氣如困倉正白見日逾明或青白如膏將勇大戰越絕軍氣曰青氣在前將暴其軍必來

陣雲如立垣

越絕記軍氣曰其氣在右而低者欲爲右伏兵之謀其氣在前而低者欲爲前伏陣也其氣在後而低者欲爲走兵陣也其氣陽者欲爲去兵其氣在左而低者欲爲

左陣其氣間其軍欲有入邑

其芒低者戰勝其前赤而印者戰不勝

隋志敵上氣囚廢枯散或如馬肝色如死灰色或類偃蓋或類偃魚皆爲將敗軍上氣乍見乍不見如霧氣此衰氣可擊上大下小士卒日減又云有赤氣在前者敵人精悍不可當軍上氣如火光將勇卒猛不可擊

其半半天

隋志壬子日候四望無雲獨見赤雲如旌旗其下有兵起若徧四方天下盡有兵若四望無雲獨見黑雲極天下大兵起半天半起三日內有雨災解

蜺雲者類鬪旗

呂氏明理篇雲狀若懸旌而赤其名曰雲旂

注雲氣之象旌旗者

迺有占

通典雜占曰凡氣不積不結散漫一方不能爲災必須和雜殺氣森森然疾起乃可論占

王朔所候

武帝時望氣王朔

人主象

隋志天子氣內赤外黃正四方所發之處當有王者若天子欲有遊往其地亦先發此氣或如城門隱隱在氣

霧中恆帶殺氣蒼帝起青雲扶日赤帝起赤雲扶日黃帝起黃雲扶日白帝起白雲扶日黑帝起黑雲扶日敵上氣如龍馬或雜色鬱鬱衝天此帝王之氣不可擊
喜氣也

晉志太平之應又有氣曰昌光赤如龍狀聖人起帝受

終則見

廣雅昌光祥氣

衣冠不濡

晉志名曰靈故曰天雨靈君臣乖

臘明日

荆楚歲時記十二月八日爲臘日諺曰臘鼓鳴春草生

四民月令云過臘一日謂之小歲拜賀君親進椒酒

西北戎叔爲

通卦驗清明風當至不至菜豆不爲與此爲字義同淮南天文禾不爲董子五行順逆魚大爲並同也

聽都邑人民之聲

六韜五音篇古者三皇虛無之情以制剛強無有文字皆由五行五行之道天地自然六甲之分微妙之神按後之鏡聽亦其遺法也

至七升而極

齊民要術淮南術曰從冬至日數至來年正月朔日五

十日者民食足不滿五十日者日減一斗有餘日日益一斗亦其類也

然必察太歲所在

淮南天文訓三歲而改節六歲而易常故三歲而一飢

六歲而一衰十二歲一康

論水旱篇太歲之數在陽爲早在陰爲水六歲一飢

十二歲一荒

越絕外傳枕中曰范子曰夫八穀貴賤之法必

察天之三表卽決矣越王曰請問三表范子曰水之勢勝金陰氣畜積大盛水據金而死故金中有水如此者歲大敗八穀皆貴金之勢勝木陽氣蓄積大盛金據木而死故木中有火如此者歲大美八穀皆賤金木水火

更相勝此天之三表也齊民要術正朔占歲星上有青氣宜桑赤氣宜豆黃氣宜稻

若旦有黃雲惡

按此驗不然齊民要術物理論曰正月朔旦四面有黃氣其歲大豐此黃帝用事土氣黃均四方並熟有青氣雜黃有螟蟲赤氣大旱黑氣大水

以歷推之從歲星也

謂歲星十月在東井淮南天文訓太陰在申歲名曰涓灘歲星舍東井與鬼

辰星出四孟

其常當在四仲淮南天文訓辰星正四時常以二月春

分効奎婁

効見也

以五月下以五月夏至効東井與鬼以

八月秋分効角亢以十一月冬至効斗牽牛

土水合于危占曰爲雍沮

天象志填星辰星合于須女占曰是爲雍沮主令不行
且有陰親者與此占不同

行畢陽環畢東北出

陽天街之南也

星經房第一星名爲右服次將其名陽環非此也

天象志月蝕

在畢直微垣之陽又云月再犯畢陽皆謂街南也

火入東井行陰

謂黃道之北晉志井天之南門黃道所經

蓬星見西南

隋志蓬星狀如夜光之光多卽至四五少卽一二修數丈左右兌出而易處

西藩第一星北出東藩第一星北

晉志東蕃第一星日上相其東北太陽門也西蕃第一星日上將其北西太陽門也

亂髮

說文鬢髮也按今小兒剪髮爲圓者是也

祥雲如狗

晉志妖氣一曰虹蜺二曰辟雲如狗爲亂君爲兵喪

流星

晉志流星天使也大者曰奔其類有音如炬火下地野
雉鳴天保也所墜國安有喜若流星色青赤名曰地鴈
其所墜者起兵流星有光青赤長二三丈名曰天鴈軍
中之精華也其國起兵飛星大如缶甕後皎然白前卑
後高此謂頓顛非角亢隕之頓顛二星其所從者多死亡飛星大
如缶甕後皎然白星滅後白者曲環如車輪此謂解銜
其國人相斬爲爵祿飛星大如缶若甕其後皎然白長
數丈星滅後白者化爲雲流下名曰大滑所下有流血

積骨

天質

大象賦注鬼四星質一星合五星

時歲星在關星西

大象賦注天關一星在五車東南畢西北天門也

太皇太后避時

史記呂不韋傳太后崩下當避時徙宮居雍論衡辨崇篇占射事者曰宅有盛衰若歲破直符不知避也夫如是宅盛卽留衰則避之及歲破直符輒舉家移此避時者謂所居衝對于巳有刑也後書魯丕傳趙王商嘗欲

避疾便時移住學官不止不聽奏曰禮諸侯萬于路獲
死生有命未有逃避之典也潛夫論浮侈篤巫祝焚惑
百姓至使奔走便時去離正宅崎嶇路側風寒所傷姦
人所利晉書庾翼傳自武昌移鎮襄陽議者謂其避衰
避衰卽避時也

是謂驚位是謂絕行

前文云三星若合是謂驚立絕行天官書占與此同魏
收天象志占曰三星合是謂驚立絕行隋志三星合在
井占曰是謂驚立是謂絕行皆作立字

左將軍千秋卒

千秋上脫任字

漢書疏證卷二十

浙江書局刊

樊 煦校

宋 禔校

吳 鴻望校